

人民守法來納稅      建設國家進步濟

A：想欲國家會進步，守法納稅是正途。

B：鋪橋造路政府做，事事便利生活好。

A：軒兮。

B：誼兮。

A、B：答喙鼓，逐家聽。

A：唉-----。

B：今---猶未開喙，你就大心氣。

A：咱今仔日欵佇遮是欲講啥？

B：無你是緊張抑是侗戇，咱今仔日是欲摻逐家講納稅的重要。

A：講著納稅就予人真厭氣。

B：是發生啥代誌？

A：彼日仔我阿公共大伯、阿爸、阿叔攏叫轉來，欲開家庭會議。

B：啊是有啥物大代誌？

A：我阿公講伊欲退出江湖。

B：hānn！你阿公是烏道的。

A：你是咧講啥！

B：你毋是講你阿公做兄弟，這馬欲金盆洗手退出江湖。

A：莫烏白講！人我阿公是講伊有歲啊，厝裡的代誌無想欲  
插相濟，就叫我阿爸兄弟仔轉來講分食的代誌。

B：分食敢有嚴重佢愛吐大氣。

A：我阿公少年認真拍拚勤儉過生活，厝裡財產有賸一寡  
仔。

B：軒兮---，軒兮--。(司奶)

A：創啥！(拍交懍恂)

B：咱兩個是好朋友著莫！你這馬是好額人啊！以後毋通佢  
我放袂記得甯。

A：莫烏白講，講正經代啦！

B：好啦！好啦！是講分食摻納稅有啥牽連？

A：我阿公共部分的家產分了無偌久，我阿爸就收著稅務的  
通知。

B：啊恁兜分財產管稅務也愛鬥鬧熱？

A：想嘛知影是通知愛納稅金。

B：是按怎得財產愛納稅金？

A：國家有規定，若一冬內接收贈送超出220萬就愛納贈  
與稅。

B：想嘛無毋著，有所得，愛納稅；這是應當的。

A：干焦按呢猶袂煞鼓。

B：無閣有啥，講寡仔來予逐家聽。

A：若有一工我阿公轉去蘇州賣鴨卵。

B：阿彌陀佛，你嘛真天壽為著遺產咒讖阿公死。

A：毋是啦！我是講萬一，人攞嘛有轉去的一工。

B：好！好！好！莫受氣，轉來講正經。

A：講啥物，我予你氣一下欲講啥都攞袂記得啊！

B：欲講遺產佻稅金。

A：若是繼承的遺產超過免稅的金額閣愛納遺產稅，你講這  
敢毋是「一隻牛愛褪兩領皮」。

A、B：萬稅！萬稅！萬萬稅！

A：一世人趁的，落尾攞變政府的。

B：袂使按呢講。

A：無袂按怎講！阮阿公的財產是伊一世人勤儉拍拚，粒積  
落來的。是按怎愛分予政府？

B：就親像你講的，你阿公的財產是你阿公的，你阿爸得著  
就是若一種收入，有收入就愛納稅金，這是正當的啊！

A：毋過就是感覺無代無誌予政府趁去。

B：政府才無趁去咧！政府祛稅是欲著做工課，逐家嘛才有  
好日子通過，若無納稅，社會福利就會無地揣。

A：是有啥物社會福利？

B：「講佢予你識，喺鬚好拍結」。

A：講來聽看覓咧！

B：鋪橋造路愛維持，國防安全買武器；為著教育起校園，  
運動散步來公園。遮的社會福利攞愛真濟錢，就是靠逐家  
納稅才有的，納稅是替咱家已造福利。

A：無想著納稅的好處遮爾濟，以後一定袂使閣想欲偷走稅。

B：著啊！為著國家會進步，一定愛實實在在納稅金。

A：毋閣遐濟種稅金，繳納的時間攞無仝，定定愛走銀行嘛  
真費氣。

B：講著這就愛閣呵咗一下，政府貼心為逐家，納稅方式是  
真正濟。

A：會使按怎做？

B：會當提現金去銀行、農會、合作社納，嘛會當佇便利商  
店納。

A：敢會當用信用卡，抑是 ATM 納？

B：會啊！嘛會當用電話、網路轉數，稅單頂懸的 QR-corde

嘛是納稅的的撇步。

A：按呢我欲轉來共我阿爸、阿母講納稅的重要佢方法。

B：這才是守法的好公民。

A：逐家守法納稅金，國家建設有信心。

B：社會福利認真做，人人生活免煩惱。

A、B：答喺鼓講到遮，落台行禮。